



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Christus Herodi, Petrus carceri per Angelum, ereptus.

urn:nbn:de:hbz:466:1-45653

ea visa lætentur. Illud ergo potius colligo, antea quoque stellam illis præuiam extitisse, sed, ad tempus, cum Magi Ierosolymis essent, & ab hominibus consilium peterent, disparuisse; postquam autem cum Herode consultare desierunt, iterum se eis videndam præbuuisse. Ex quo perspicuè cognoscitur, ibi auxilia diuina incipere, ubi humana desinunt; & sæpe auxilia diuina ibi desinere, ubi, illis relictis, cōuertimur ad humana. Ceterū hic locus, & hæc stella anteambulatrix, quemadmodum illa *columna ignea*, velut quædam cœlestis laterna Israëlitis prælucens, idcirco mihi etiam cōmemorari videntur, quod existimare nos velit S. Spiritus, opem de cœlo mitti ijs, qui in terris auxilium omne amiserunt.

Exod. 13.21.

Quod ipsum etiam ex historia mox adiuncta potest doceri.

III.
Matth. 2.16.

Herodes videns quoniam illusus esset à Magis, iratus est valde, & mitens occidit omnes pueros, qui erant in Bethlehem, & in omnibus finibus eius, à bimatu & infra, secundū tempus, quod exquisierat à Magis. Credibile est, iam prope adfuisse carnifices, qui puerum quæabant, alioquin enim, non, intempesta nocte, fuisset Iosepho fagiendum. Itaque nihil sciebat Ioseph, nihil Maria, de Herodis inuidia, nihil de sanguinario consilio, securè dormiebant. Fortasse oppressissent eos armati antè, quām quiescere desijssent. Non erant, qui præcurrerent, & de militum aduentu præmonerent. Non excubabat ante domum, satelles. Non erat Iosepho hasta, non framea, non vmbro, non arcus, non lorica, non galea: totum armamentarium constabat runcina, dolabella, lima, cuneo, terebra, scalpro. His argute lamina ferre, ascia, bipennis similiaque accedebant asseribus & arborum, non hominum truncis secandis assueta. Iam ipsa imbellis Virgo, & puer infans quid fecissent? Christus potentiam habebat, sed nondum erat tempus eam exercendi; quod ætas exegerat, fecit, aliorum hominum more, susceppta fragilitate. Iam quid vicini opis afferre quiuisserent? conciliant quidem homines mala, sed tunç illi se ippos non poterant iuuare, cum eorum pueruli occiderentur; qua ratione igitur Iosepho succurrissent? Instabat itaque non iam Atticus aduenæ, ferox, & violentus, sed Herodiani carnifices è proximo imminebant, & recesserant iam Magi aduenæ Orientales, quorum authoritas pro clypeo esse potuisset; cum ecce Angelus Domini apparuit in somnis Ioseph, dicens: Surge, & accipe puerum, & Matrem eius, & fuge in Egyptum, & esto ibi usque dum dicam tibi. Ita, Angelo monente,

Aristot. I.
Rhetor.

Matth. 2.13.

M 3 exper-

expergefactus, de nocte fugit. Quod etiam de S. Petro legimus,
Auctor. 12.6. quando ab alio Herode seruabatur in carcere. Cum enim productus
 rum esset Herodes, in ipsa nocte, erat Petrus dormiens, inter duos
 milites, vinculus catenis duabus: & custodes ante ostium custodiebant
 carcerem. Quis eum è catenis, è carcere, è militum custodia eu-
 surum putaslet? Sed tamen euasit ille. Nam ecce Angelus Domi-
 ni astitit: & lumen resulpsit in habitaculo: percussus, latere Petri exci-
 tauit eum, dicens: Surge velociter. Et ceciderunt catena de manibus
 eius. Dixit autem Angelus ad eum: Praeingere, & calcea te caligas
 tuas. Et fecit sic. Et dixit illi: circumda tibi vestimentum tuum, &
 sequore me. Et exiens sequebatur eum, & nesciebat, quia verum est,
 quod siebat per Angelum: existimabat autem se visum videre. Trans-
 euntes autem primam, & secundam custodiam (adecò arctè tenebatur)
 venerunt ad portam ferream (tam dura erat custodia ac firma.)
 quæ ducit ad ciuitatem, quæ ultrò aperta est eis. Et exeuntes processerunt
 vicum unum: & continuo discessit Angelus ab eo. Et Petrus ad se reu-
 sus, dixit: Nunc scio vere, quia misit Dominus Angelum suum, & eri-
 puit me de manu Herodis, & de omni expectatione plebis Iudeorum.
 In Iosepho igitur, ac Petro Deus ostendit, cum alia omnia humana
 præsidia defiunt, se, de cœlo, opitulari: nec illud tantum often-
 dit, sed insuper demonstrauit, quanti à nobis Angeli sint facien-
 di, qui nobis dormientibus, solent vigilare, & pro nobis excu-
 bare, multaque nobis nihil sentientibus, à capite nostro pericula
 amoliuntur. At nos ingrati, raro hanc & Dei prouidentiam, &
 Angeli curam agnoscimus, aut undeunque agnitam, saepè non
 pluris, quam somnum (vt initio Petrus) aut nebulam, in parie-
 te, aestimamus.

IV.

Psal.77.65. Quid, quod non solum, homine dormiente, Deus pro eo
 vigilet, sed vigilet etiam tum, quando homini aut dormire vide-
 tur, aut dormitare? Quod sanè, sicut ostendit, quando iustitia
 suæ iram ostendit, & excitatus est tanquam dormiens Dominus, tan-
 quam potens rapulatus à vino, & percussus inimicos suos; ita etiam
 patefecit, quando, in summo rerum cardine, homines versaban-
Matth. 8.24. tur. In lacu, seu stagno Genesareth, ob magnitudinem, maris no-
Luc. 8.22. men sortito, non triremem, sed exiguum atque pectoriam cym-
 bam nacti discipuli cum Christo vehebantur. Ibi Christus, non
 simulato, vt quidam putant, sed vero naturalique, quamuis, cre-
 dibiliter, voluntario & procurato somno dormiebat. Et ecce mo-

116